

JAVNA USTANOVA OSNOVNA ŠKOLA "MIRSAD PRNJAVORAC" Vogošća, ulica Jošanička br. 51, 71320 Vogošća, ID broj: 4200299940008 koju zastupa direktorica škole: Sabiha Salčin, prof. (u daljem tekstu: Naručilac usluga)

i

ZAVOD ZA ZDRAVSTVENU ZAŠTITU RADNIKA U SAOBRAĆAJU - SARAJEVO, ulica Kolodvorska 10, 71000 Sarajevo koju zastupa direktor: prim.dr. Mirsad Mulaomerović (u daljem tekstu: Vršilac usluga)

Na osnovu provedenog postupka za dodjelu ugovora putem direktnog sporazuma za nabavku usluge- obavljanja obaveznog sistematskog pregleda za radnike škole u 2020. godini, a u skladu sa članom 90. Zakona o javnim nabavkama BiH ("Službeni glasnik BiH" broj: 39/14), Pravilnika o direktnom sporazumu JU OŠ "Mirsad Prnjavorac" Vogošća i Odluke o prihvatanju ponude broj: 01-577/20 od 18.06.2020. godine, gore navedena pravna lica zaključuju:

UGOVOR O PRUŽANJU ZDRAVSTVENIH USLUGA

Član 1.

Ovim Ugovorom Vršilac usluga i Naručilac usluga, kao ugovorne strane uređuju međusobne odnose poslovne saradnje u oblasti pružanja usluga obaveznog sistematskog pregleda za radnike škole.

Član 2.

Pružanje usluga iz člana 1. ovog Ugovora obuhvata sljedeće:

- Proširene laboratorijske pretrage (sedimentacija, krvna slika, diferencijalna krvna slika, šećer u krvi, urin, kreatinin, holesterol, trigliceridi, AST, ALT, željezo)
- EKG snimak sa očitanjem specijaliste interniste
- Liječnički pregled na tuberkulozu pluća, a ukoliko se na osnovu njega ili epidemiološke indikacije posumnja na ovu bolest obavezno je rendgensko snimanje pluća
- Specijalistički pregled neuropsihijatra
- Pregled psihologa
- Pregled specijaliste oftalmologa
- Pregled specijaliste medicine rada sa izvještajem i ovjerom sanitarne knjižice
- Bris grla i nosa

Član 3.

Ugovorena cijena usluga iz člana 2. ovog Ugovora iznosi:

- 40,00 KM po radniku za sve preglede osim brisa grla i nosa
- 25,00 KM po radniku za obavljanje brisa grla i nosa
- 5,00 KM po radniku za sanitarnu knjižicu (ukoliko radnik već nema istu)

U skladu sa članom 24.tačka 2 Zakona o PDV-u na navedene usluge se ne plaća PDV.

Član 4.

Plaćanje ugovorenog iznosa iz člana 3. ovog Ugovora će se izvršiti nakon izvršenih usluga, obavljenog obaveznog sistematskog pregleda, a najkasnije 30 dana po ispostavljenj fakturi.

Član 5.

Pregled će se obaviti u periodu od 17.08. do 19.08.2020. godine u prostorijama „Zavoda za zdravstvenu zaštitu radnika u saobraćaju-Sarajevo“, ulica Kolodvorska br. 10, 71000 Sarajevo. Ugovorene strane su saglasne da ukoliko jedan ili više radnika Naručioca usluga, iz bilo kojih razloga, ne bude u mogućnosti da prisustvuje ili da se podvrgne obaveznom sistematskom pregledu u navedenim terminima, Vršilac usluga se obavezuje da za ta lica sistematski pregled izvrši naknadno, a nakon što usaglasi termin sa Vršiocom usluga.

Naručilac usluga se obavezuje dostaviti spisak radnika koji treba da obave sistematski pregled, raspoređenih po ugovorenim terminima.

Član 6.

Vršilac usluge se obavezuje:

- Obezbijediti tehničke i ljudske resurse za brzo i kvalitetno obavljanje usluga;
- Odgovarati za urednu realizaciju Ugovora, štiti interese Naručioca usluga te ga obaviještavati o toku realizacije Ugovora;
- Prihvatiti eventualne reklamacije na izvršene usluge na osnovu pismene reklamacije Naručioca usluga;
- Po izvršenoj usluzi obaveznog sistematskog pregleda dostaviti ovjeren izvještaj Naručiocu i ovjerene sanitarne knjižice, najkasnije do 31.08.2020.godine.

Član 7.

Naručilac usluga se obavezuje:

- Da će Vršiocu usluga prema narudžbama i ponuđenim cijenama izvršiti plaćanje u roku od 30 dana po prijemu fakture.
- Da Vršiocu usluga dostavi spisak radnika za sistematski pregled, raspoređenih po ugovorenim terminima.

Član 8.

Ovaj Ugovor stupa na snagu danom njegovog potpisivanja i ovjere od strane ovlaštenih predstavnika ugovornih strana.

Član 9.

Sve izmjene ovog Ugovora mogu se vršiti isključivo i samo uz pismnu saglasnost ugovornih strana.

Član 10.

Sve eventualne sporove koji proisteknu iz ovog Ugovora ugovorne strane će sporazumno rješavati, a u slučaju nemogućnosti rješavanja spora mirnim putem nadležan je Općinski sud u Sarajevu.

Član 11.

Ovaj Ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

ZA VRŠIOCA USLUGE
DIREKTOR


Mirsad Mulaomerović, prim.dr.

Broj: 1208-3120
Dana, 19.06.2020

ZA NARUČIOCA USLUGE
DIREKTORICA ŠKOLE


Sabiha Salecin, prof.

Broj: 01-578/20
Dana, 18.06.2020. god.